



Publicaziuns dalla vischnaunca, jamna 7

Cussegl da vischnaunca

Il cussegl da vischnaunca seraduna **venderdis, ils 26 da fevrer 2010 allas 19.30 uras** en stanza da seduta el plaunterren dalla casa communal ad ina seduta.

Tractandas:

1. Protocol nr. 8-2009/2012
2. Program d'activitad 2009–2012: repassar ed adattar (controlling)
3. Collaboraziun regiunala: posiziun

Il president dil cussegl da vischnaunca

Nova ulivaziun da finanzas (NFA)

Ils 7 da mars 2010 decida il pievel grischun sur dalla Nova ulivaziun da finanzas. Quei project preveda ina refurma fundamentala dallas relaziuns finanzialas denter il Cantun e las vischnauncas. La reglamentaziun dad oz datescha digl onn 1958 ed ei perquei en bia graus buca pli actuala ed era buca gesta. In'adattaziun da quei sistem ei necessaria. Per la vischnaunca da Mustér porta il niev sistem considerabels avantatgs. En special eis ei previu ina contribuziun cantunala da varga dus milliuns francs per reducir ils deivets dalla vischnaunca.

Sper differents auters facturs positifs ei la Nova ulivaziun da finanzas in bien agid per sanar nossas finanzas communalas.

Per quels motivs sustegnan las autoritads communalas il project dalla Nova ulivaziun da finanzas.

Suprastonza communal

Taglia da tgauns 2010

Naven d'immediat **entochen la fin fevrer 2010** san las marcas da tgauns vegnir retratgas tier l'administraziun communal.

La taglia da tgauns munta pigl emprems tgaun frs. 120.–, per mintg'ulteriur tgaun ella casada frs. 180.– per onn.

Per scadin tgaun sur treis meins che vegn tenius sin territori dalla vischnaunca ei da pagar ina taglia. Tgauns da polizia, da lavinas, per tschocs e suords ein deliberai dalla taglia, ston denton portar la marca da tgauns.

Tgauns da pasturs ni tals ch'ei en survetsch dil puresser ein buca deliberai dalla taxa.

Plinavon vegn supplicau da comunicar all'administraziun communal midadas, q.v.d. tals che han retratg 2009 ina marca da tgauns ed han **buca pli il tgaun, ni novs possessurs da tgauns.**

Tut ils tgauns che vivan en Svizra ston vegnir marcai e registrai ella datoteca dalla ANIS (mira adressa sutmenziunada).

Tgauns giuvens ston enteifer ils emprems treis meins da veta vegnir marcai cun in microchip e registrai ella datoteca. Plinavon ein ils possessurs da tgauns obligai da comunicar all'ANIS midadas d'adressa, da possessur e la mort digl animal. Ils cuosts per la registraziun sco era per las midadas obligatorias ein da pagar entras il possessur dil tgaun.



Possessurs da tgauns ch'ein aunc buca vegni suenter a quell'obligaziun da registraziun, supplichein nus **da prender suenter quei immediat cun schar registrar lur tgaun tier l'ANIS entras in veterinari.**

Per saver retrer la marca sto il mussament dalla registraziun vegnir presentaus.

ANIS Animal Identity Service AG
Morgenstrasse 123, CH-3018 Bern
Tel. 031 371 35 30
info@anis.ch / www.anis.ch

Administraziun communal Disentis/Mustér

Cuors per la raccolta da lenna

Ils uffecis forestals dalla Sursassiala organiseschon ensemen cun igl Uffeci d'uaul dil Grischun in cuors fundamental per la raccolta da lenna. Tgi che vul pinar lenna duei saver ...

... enconuscher ed applicar las reglas dalla segirtad da lavur e dalla protecziun sanitaria.
... manipular e mantener la resgia a motor, la cadeina ed ils uaffens a moda e maniera professionala.
... far diever adequatamein dallas reglas fundamentalas dalla raccolta da lenna.

Il cuors vegn menaus d'in instructor professional el decuors dalla primavera (avrel/matg) en ina dallas treis vischnaucas dalla Sursassiala. L'instrucziun succeda en gruppas da 4 tochen 6 participonts e cuoza 5 dis.

Cuosts sin damonda. La participaziun al cuors vegn confermada a scret cun ina cumpetenzza da scola-zion minimala per luvrer d'uaul. Mintga participont ha da cumparer cun in equipament personal da protecziun irreproschabel.

Per annunziar tochen ils **12 da mars** ni ulteriur sclariment stattan ils uffecis forestals dalla Sursassiala a disposiziun:

Uffeci forestal Disentis/Mustér, Werner Müller, 079 832 02 63
Uffeci forestal Medel/Lucmagn, Corsin Flepp, 079 611 45 04
Uffeci forestal Tujetsch, Adrian Deragisch, 079 688 30 04

Seria d'informaziun dils uffecis forestals Sursassiala e Sumvitg pertuccont il diever d'uaul e diever digl ur d'uaul

Tenor lescha d'uaul federala e cantunala vegn attribuiu agl uaul gronda protecziun, quei ton egl intern digl uaul sco era agl ur digl uaul. Perquei ei l'utilisaziun privata digl uaul fetg limitada – perfin egl agen uaul! Aschia ein il diever nuscheivel digl uaul e l'utilisaziun per in auter intent scumandai. Proprietaris d'uaul e persunas che fan diever digl uaul vegnan informai digl uffeci forestal.

Emprema part: Barschar caglias e curdems da curtin

Barschar curdems ordaviert ei da principi scumandau. Lubi ei sulettamein da barschar curdems da curtin, sch'ei fa pauc fem. In'arsentada cun pauc fem ei mo garantida sch'il curdem ei schetgs. In'istanza per lubir fiugs ordaviert exista buc. Mintgin ei supplicaus da surpender sez la responsabladad. Fiugs aviarts per barschar curdems d'uaul, da funs e da curtin ein sulettamein lubi, sch'ina dis-messa dil material ei absolutamein necessaria ed in deposit reglau ni schar schmarschir ei cumbinau cun cuosts surproporziunai.

Concret munta quei che:

- en territori habitau e terren agricol enzonau ei scumandau da barschar curdems verds;
- material ord la rumida d'in tagl ei da schar per tiara per schmarschir.



Indicaziun: Il fiug astga buca vegnir surduvraus per dismetter da tuttas sorts curdem.

Nus supplichein Vus da far atenziun dil fegl d'informaziun «Verbrennen von Abfällen aus Wald, Feld und Garten» digl Uffeci per la natira ed gl'ambient dil Grischun (UNA). Quei fegl d'informazun saveis Vus cargar giu digl internet sut

<http://www.gr.ch/DE/institutionen/verwaltung/ekud/nu/dokumentation/Merkblätter/2006/Im003.pdf>

Tier damondas stattan ils uffecis communal e cantunals responsabels a Vossa disposiziun.

Controlla da habitonts

Mortori

Erina Rosa Desax-Borellini, naschida ils 6 da matg 1937, morta ils 12 da fevrer 2010.

Camp a Belgia 2010

Mira sut Cadi.

Pro Senectute Surselva

Niev il venderdis! Sault a Sumvitg

Neu am Freitag! Tanzveranstaltung in Sumvitg

Siehe/mira sut Sumvitg.

Pro Senectute

Cuors trenament dalla memoria a Mustér

In viadi d'exploraziun tras il tgau – trenar il tschurvi a moda raschuneivla. Scuvri Vossas capacitads spirtalas grazia ad in trenament dalla memoria. Il tschurvi sesvilupescha e semida duront l'entira veta. Ins sa pia emprender novas caussas tochen en in'aula vegliadetgna.

Senza sforz e cun humor intervegnis Vus co Vus saveis mantener il spért activs e movibels. Cun agid d'ina recepciun pli cunscienta e d'ina strategia da management raschuneivla emprendis Vus cun temas interessants co nezzegiar pli efficientamein Vossas capacitads e co applicar quellas metodas el mint-gadi.

Liug: Mustér, nua vegn aunc communicau

Datas: 4 x mesjamna, **naven diils 4 da mars 2010**

Temps: 13.30–15.45

Menadra dil cuors: Monika Berther-Sommer, trenadra dalla memoria certificada SVGT

Annunzias ed informaziuns: tochen ils 22 da fevrer 2010 tier la Pro Senectute Grischun, Alexanderstrasse 2, 7000 Cuera, tel. 0844 850 844 (tariffa locala)

Il vast program dallas differentas purschidas da cuors e formaziun dalla Pro Senectute per personas pesinadas san ins retrer tiel post regional dalla Pro Senectute Surselva a Glion sut la numera da telefon 081 925 43 26.



Cussegl pastoral – Cerchel social-caritativ

Nus envidein cordialmein tuts seniors/as da Mustér ad in suentermiezdi cun **lotto gievgia, ils 25 da fevrer 2010** allas 14.00 el hotel Sax.

Prendei peda per passentar entginas uras en buna cumpignia.

Uniun da dunnas Mustér Invitaziun alla radunonza generala

Mardis, ils 2 da mars 2010 allas 20.00 uras el hotel Alpsu, Mustér.

Tractandas:

1. Elecziun dumbravuschs
2. Approbaziun dil protocol dils 13-3-2009
3. a) Rapport annual
b) Rapport dalla sutgruppa mummas cun affons pigns
4. Rendaquen e rapport dallas revisuras da quen
5. a) Program annual
b) Program annual sutgruppa mummas cun affons pigns
6. Elecziuns
7. Fiera da Nadal
8. Varia

Sco usitau vegn purschiu ina pintga tscheina.

Naven dallas 19.30 uras sa vegnir priu investa dil protocol dalla davosa radunonza generala.

Era novas commembras ei beinvegnidas. Selegrond sin stedia participaziun salida cordialmein

*en num dalla suprastonza
la presidenta: Fabiana Candinas*

Uniun da dunnas Mustér Mummas cun affons pigns

Preavis:

Fiera da resti d'affons a Mustér cun stiva da caffè
Venderdis, ils 19 da mars 2010 dallas 19.00–21.00 uras
Sonda, ils 20 da mars 2010 dallas 9.00–10.30 uras

Voranzeige:

Kinderkleiderbörse in Disentis mit Kaffeestube
Freitag, 27. März 2010 von 19.00–21.00 Uhr
Samstag, 28. März 2010 von 9.00–10.30 Uhr

Nus selegrein sin Vossa viseta.
Mummas cun affons pigns Mustér



Beach Sport Plaun Petschen, Cumpadials

L'Uniun da cultura e sport Cumpadials ha instradau l'idea da realisar a Plaun Petschen, Cumpadials, in plaz da sport sil sablun. Quei plaz duei esser multifars per differents sports (ballareit, ballapei, badminton, ulteriuras activitads sportivas sco era per termagliar per l'entira famiglia).

Per la realisaziun ed il menaschi dil plaz vegn fundau ina nova uniun. La fundaziun dall'uniun ha liug

sonda, ils 13 da mars 2010 allas 20.00 uras ell'ustria dalla Staziun a Sumvitg/Cumpadials.

Tut ils interessents ed amitgs dil sport dalla regiun (seigi quei personas che vulan separticipar activamein ni era mo sco commembers passivs) ein cordialmein beinvegna a quella sera d'informaziun e fundaziun dall'uniun.

Persunas che san buca prender part quella sera mo han denton tuttina interess san s'annunziar tier:

Lucas Tuor, lucas.tuor@bluewin.ch, 079 759 32 22
Gion Michel Flepp, info@gmflepp.ch, 079 675 81 71

Fagess plascher da s'entupar cun biars amitgs dil sport.

Cordialmein envidan
ils iniziants: Lucas Tuor e Gion Michel Flepp

Cerchel da praulas «Il giavel culs 3 cavels d'aur»

Il cerchel da praulas envida **venderdis, ils 26 da fevrer 2010** allas 20.15 uras en Casa Cumin, sala da Dertgira a Mustér ad ina sera da praulas e discussiun.

Ludoteca Mustér
Liug/Ort: Halla Cons, tel. 076 494 39 92
e-mail: ludoteca@disentis.ch

Uras d'avertura / Öffnungszeiten:

Gliendisdis/Montag: 18.30–20.00
Gievgia/Donnerstag: 16.00–17.30
Venderdis/Freitag: 18.30–20.00

Vies team dalla ludoteca

Biblioteca populara, Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar. Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.

La biblioteca ei aviarta:

Gliendisdis 18.30–20.00 uras



Mardis 13.30–15.00 uras
Gievgia 16.00–17.30 uras
Venderdis 18.30–20.00 uras

Nies motto: Leger . . . tedlar . . . mirar . . . !
Nus selegrein da mintga viseta.

Biblioteca populara Mustér
